

'A LIBERTÀ

T'arrecurde chè gghiurne amme passate
a u tiempe di squadriste e di balille
ca chi vestite nìvere parèvene
cumbrate d'a cungereje de la Morte?
Nu ssì, nu no, ce stève n'adunate;
éd era sèmpe a stèssa pricessjone
ca avèva sènte a quille
ca lucculave forte
sope nu balecone.
Che timpe! tutte quante li giornale
èrene bullettine parrucchiale
ca stèssa letanije d'alalà.
E se po' t'azzardave de parlà,
pe na mèzza parole stive friske:
senza penzarce, tanne, llà ppe llà,
te purtavene dritte a Sanfrangiske.
Mo è n'ata cose che la libèrtà.
Se vaj da Gabbrièle u giornalare
tu puje trovà giornale
de tutte li chelure
ca, sènza avè pavure,
te dicene ogni male
de guvèrne, menistre e senature.
Eh! mò se pò parlà liberamente;
a ggènte pò dì quille ca li pare.
Mò, pane e pane E chi te stace a ssènte?